

Visoki predstavnik i specijalni predstavnik EU Lajčák sastao se s direktorom Ministarstva vanjskih poslova Ruske Federacije Alexandrom Alekseyevim



Visoki predstavnik i specijalni predstavnik EU, Miroslav Lajčák se danas sastao s direktorom Četvrtog odjela za evropska pitanja Ministarstva vanjskih poslova Ruske Federacije, Alexandrom Alekseyevim i s njim razgovarao o trenutnoj političkoj situaciji i napretku koji je ostvaren u pogledu implementacije zaključaka Vijeća za implementaciju mira donesenih u februaru. Visoki predstavnik/specijalni predstavnik EU Lajčák i direktor Alekseyev su još jednom potvrdili značaj potpunog opredjeljenja Bosne i Hercegovine da ispuni pet ciljeva i dva uslova koje je potrebno ostvariti prije tranzicije OHR-a.

Visoki predstavnik i specijalni predstavnik EU, Miroslav Lajčák je informirao direktora Alekseyeva o napretku koji su organi vlasti BiH do sada ostvarili u ispunjavanju pet ciljeva i dva uslova.

Složili su se da pružanje pomoći Bosni i Hercegovini u procesu prenosa ovlasti s institucija međunarodne zajednice na lokalne

organe vlasti, uključujući i ovlasti vezane za evropske integracije, predstavlja strateški cilj međunarodne zajednice i apelirali na organe vlasti BiH da maksimalno pojačaju napore koje poduzimaju na implementaciji zaključaka Vijeća za implementaciju mira.

Za Bosnu i Hercegovinu je također važno da se svi pridržavaju i u potpunosti implementiraju Dejtonski mirovni sporazum i da sve probleme rješavaju striktno u skladu s Ustavom BiH na osnovu koncenzusa tri konstitutivna naroda u BiH.